

ՀԱՂՈՐԴՈՒՄՆԵՐ

ԳԱՅԱՆԵ ՄԵԼՔՈՆՅԱՆ

ԱՍՈՂԻԿ ԱՐՔԵՊԻՍԿՈՊՈՍ ՂԱԶԱՐՅԱՆ

Նայ Եկեղեցու նվիրյալ սպասավոր Ս. Ասողիկ արքեպիսկոպոս Ղազարյանը (ավագանի անունը Ղազարոս) ծնվել է 1909 թ. Բեհեմնի քաղաքում (Չորրորդ Նայք, Մալաթիա): Առաջին համաշխարհային պատերազմի տարիներին կորցրել է իր հարազատներին և պատանեկության դժվարին տարիներ անցկացրել Մոսկվի և Բաքուպայի «Տարագրելոց» և «Արարարյան» որբանոցներում: 1924 թ. ընդունվել է Երուսաղեմի Ժառանգավորաց վարժարան, որտեղ անց է կացրել համեմատաբար խաղաղ ու արդյունաշատ տարիներ: Նախնական դասերը ավարտելով վարժարանի դասարանական քառամյա բաժինը՝ 1928 թ. Ս. Եղիշե արքեպիսկոպոս Դուրյանի ձեռամբ ստացել է սարկավագական աստիճան և այլևս ամուր կերպով կապվել Նայ Եկեղեցուն ու վանական կյանքին: Նա այն բախավորներին էր, որոնք աշակերպել են Երուսաղեմի հայոց պատրիարքներ Ս. Եղիշե արքեպիսկոպոս Դուրյանին, Ս. Թորգոմ արքեպիսկոպոս Գուշակյանին և Ս. Բաբգեն արքեպիսկոպոս Այուլեսերյանին (հեղափոխություն՝ Բաբգեն Ա Աթոռակից Կաթողիկոս Մեծի Տանն Կիլիկիոյ): Այս լավագույն եկեղեցականների դաստիարակության արգասավոր պարտուն էր Ս. Թորգոմ պատրիարքի ձեռամբ 1932 թ. կուսակրոն քահանա ձեռնադրված Ս. Ասողիկ արևելա Ղազարյանը:

Սկսվում է նրա կյանքի բուռն շրջանը Երուսաղեմի հայոց պատրիարքարանում՝ որպես վանական-վարչական գործերի պատրասխանարու: Գիտելիքների մեծ պաշարի արդյունքն էր նրա ուսուցչական գործունեությունը Յաֆա քաղաքի ազգային վարժարանում:

1937 թ. Ս. Ասողիկ արևելա Ս. Թորգոմ Պատրիարքի փոփոխությամբ սկսում է իր հոգևոր գործունեությունը Ծայրագույն Արևելքում՝ Չինաստան, Մանջուրիա, Ճապոնիա: Արդեն որպես Ս. Ասողիկ վարդապետ՝ նա մեծ ջերմությամբ է ընդունվում տեղի հայ հավատացյալների փոքրիկ համայնքի կողմից: Վարդապետական կյանքում ևս եղել են մեծ դժվարություններ. 1941 – 1945 թթ. Ս. Ասողիկ վարդապետը բանտարկվում է ճապոնացիների կողմից Խաբեհինի համակենտրոնացման ճամբարում և միայն Խորհրդային բանակի Մանջուրիա մուտք գործելուց հետո է ազատվել բանտարկությունից ու վերադարձել իր հոգևոր պաշտոնին: Նոկտեմբեր 19-ին Վեհափառ Նայրապետին գրած նամակում Ս. Ասողիկ վարդապետը պատմում էր իր քառամյա բանտարկության և ազատման մասին. «Ճաբոնացի կողմից իրեն թշնամի ձերբակալուած լինելով, պատերազմի սկզբին մինչև ժամանակ գրառումները, այսինքն չորս երկար տարիներ բնականաբար եկեղեցին փակ էր և գաղութ գրկուած էր ամեն փեսակ կրօնական միաբնակություններին:

Վեհափառ Տէր, Ձեր ընտրութեան բարի լուրը, ինչպէս նաեւ կրօնական ազատութեան

հռչակումը Խորհրդային երկիրներում մեջ, ամբողջ ծայրագույն Արևելքի հայ գաղութիս կը պատճառեն մեծագույն միախառնությունը և կը հրճուինք բոլորով սրտիվ»¹:

Վեհափառ Նայրապետին գրած իր նամակներից մեկում էլ 1947 թ. սրբազանը խոսում է Խարբինի հայ գաղութի մասին. «Նայ գաղութը շատ փոքր է Չինաստանում: Խարբինում կա միայն մեկ հայկական եկեղեցի և շուրջ 150 հայ: Եվ գաղութի հայության մեծագույն մասը կը պատրաստուի մօտ ապագային ճանապարհ իյնալ դեպ Նայրենիք: Վեհափառ Տեր, հօրիս հեղ ևս ալ կուզեմ գալ Նայաստան, Եթե Ձերդ Վեհափառությունը կարգեն»²:

1950 թ. նա կրկին Երուսաղեմում էր՝ միաբանների ջերմությամբ պարուրված:

1951 թ. Տ. Ասողիկ վարդապետը հրավիրվում է պաշտոնավարելու Կալիֆոռնիայում:

Իսկ արդեն 1955 թ. մայիսի 24-ին Նոգեմոր Խորհրդի նախագահ Տ. Վահան արքեպս. Կոստանյանին գրած նամակում պարմում է Ավստրալիայում իր առաջնորդության և Կուրդի հայ գաղութի կազմավորման մասին. «Ինձնով առաջին հայ եկեղեցականն է, որ մուտք կգործե այս երկիր: Նոս եկած եմ շուրջ չորս ամիսներ առաջ խնդրանք Կուրդի փոքրաթիս հայ գաղութի ներկայացուցիչներուն և կարգադրությամբ ու հրամանաւ Երուսաղեմի Ս. Աթոռոյ Կուրդապահի պարիսպաբանական գերաշնորհ Տեր Եղիշե արքեպս. Տերտրյանի: Կաշխարենք կազմակերպել այս շատ փոքրիկ գաղութը և կը ջանանք հիմը դնել Սիւրենի մեջ առաջին Նայ Եկեղեցին»³: Նրա կյանքում ճակատագրական էին 1957 թ. դեպի Մայր Նայրենիք և Սուրբ Էջմիածին ուխտագնացության օրերը: Ն.Ս.Օ.Տ.Տ. Վազգեն Վեհափառի հրավերով հոկտեմբերի 30-ին Երուսաղեմի Նայոց Սրբոց Նակոբյանց վանքի միաբան Տ. Նայկազուն եպիսկոպոս Աբրահամյանը նույն միաբանության անդամ, Նոգեմորյանի և Ծայրագույն Արևելքի Նայրապետական պատվիրակ Տ. Ասողիկ ծ. վարդապետ Ղազարյանի հեղ Մայր Աթոռում էին: Այդ օրը կարծես Կոն լինել Մայրավանքում: Միաբանները ճեմարանականների հեղ միասին լարված սպասում էին հյուրերի ժամանմանը: Նայրապետական օրհնությամբ Տ. Նայկազուն եպս. Աբրահամյանը պիտի սրանձներ Նոգեմոր ճեմարանի Կուրդի պարպականությունը, իսկ Տ. Ասողիկ ծ. վարդապետին պիտի շնորհվեր եպիսկոպոսական աստիճան: Նրանց ընդունեցին ջերմությամբ և առաջնորդեցին Իջման Սուրբ Սեդանի մոտ, ուր աղոթք առաքեցին առ Աստված: Նյութերին ողջույնի խոսք ասաց լուսաբարապետ Տ. Սահակ արքեպս. Տեր-Նովհաննիսյանը. «...Նոգեմորի Ասողիկ Նայր Սուրբ, թեև Ձեզ առաջին անգամն ենք հանդիպում, բայց Ձեր անունը և Ձեր անձնվեր գործունեությունը մեզ քաջ ծանոթ են արդեն...»⁴:

Տպավորիչ էին այդ թույլները Տ. Ասողիկ վարդապետի համար: Նա իր շնորհակալությունն էր հայտնում ընդունելության համար և միաժամանակ Նոգեմոր Արևելքում ապրող հայ հավաքացյալների կարոտն էր փոխանցում Վեհափառին: Տ. Ասողիկ վարդապետի համար առավել հուզումնառատ ու փայլավորիչ էր հանդիպումն Ամենայն Նայոց Կաթողիկոսի հեղ. նա համբուրեց Նայրապետի Սուրբ Աջը՝ արցունքն աչքերին...

Արդեն նոյեմբեր 24-ին ձեռամբ Ն.Ս.Օ.Տ.Տ. Վազգեն Ա Նայրապետի Տ. Ասողիկ վարդա-

1 «Վանդապետ Նայ Եկեղեցու պարմության», Գիրք Զ, Գետրգ Զ Չորեքյան, Եր., 1999թ., էջ 299:

2 Մայր Աթոռ Սուրբ Էջմիածին, Կաթողիկոսական արխիվ, Փոնդ Ասողիկ արքեպս. Ղազարյանի.

3 «Վանդապետ Նայ Եկեղեցու պարմության», Գիրք Զ, էջ 879:

4 «Էջմիածին», 1957թ., հոկտեմբեր, էջ 7:

պետը ձեռնադրվում է եպիսկոպոս և նույնքեր 25-ի Նայրապետական կոնդակով նշանակվում Նայրապետական նվիրակ ու առաջնորդ Նեոսվոր Արևելքի երկրներում՝ Նոդկասարան, Չինասարան, Ինդոնեզիա, Ավստրալիա, Մալազիա, Բիրմա: Սա երեւի նրա հոգևոր գործունեության լավագույն շրջանն էր: Ներառյալ է հարկապես սրբազանի գեկույցը Ավստրալիայի հայ համայնքին: Նա խիստ կարևորում է Նայ Եկեղեցու դերը, խոսում նրա հրաշալի և փրկարար նշանակության մասին ազգապահպանման գործում: Այսպես նա սկսում է հրապարակել «Լույս» ամսաթերթիկը, ինչը շատ լավ ընդունելություն է գտնում ավստրալահայերի կողմից:

Իր առաջնորդության տարիներին Ս. Ասողիկ սրբազանը մեծ նպաստ է բերել Նայ Եկեղեցուն. նա գործունյա առաջնորդ էր, կարողա-



Ս. Ասողիկ արքեպիսկոպոս Ղազարյան

նում էր համախմբել հայության բեկորներին և նրանց պահել հավաքի լույսի ներքո: Սրբազան հոր հեղինակությունը մեծ էր Նոդկասարանում: 1959 թ. մարտի 1-ին Կալկաթայի հայոց Սուրբ Նազարեթ եկեղեցում հընթացա Սուրբ Պարարագի նա ընթերցում է Վեհափառ Նայրապետի օրհնության կոնդակը՝ ուղղված Կալկաթայի Եկեղեցական Խորհրդին և ասում է, որ «Վեհափառ Նայրապետը մասնատր սէր և համակրանք ունի հանդէպ հնդկահայութեան, ի մասնատրի Կալկաթայի և անոր եկեղեցական վարչութեան հանդէպ, և սոյն սրբաբառ կոնդակը Նորին Սուրբ Օծության սրտի անկեղծ ու գուրգուրուր արտահայտութիւնն է»⁵: Երբ 1959 թ. Նամայն Անգլիո եպիսկոպոսապետ դոկտոր Ջեոֆֆրի Ֆիշերը, ով հյուրն էր Նոդկասարանի Անգլիկան Եկեղեցու եպիսկոպոս Արաքիմ Չաղերջիի, Ավագ ուրբաթ օրն այցելում է Կալկաթայի Նայոց Սուրբ Նազարեթ եկեղեցի և հանդիսավորապես ընդունվում Ս. Ասողիկ սրբազանի, քահանայաց դասի և եկեղեցական վարչության անդամների կողմից: Ջերմ ու սրտաբուխ էր հայ հավաքացյալների անունից Ասողիկ սրբազանի ողջույնը. «Ձերո Գերապարվութեան ազնիւօրէն կարճ ժամանակ մը մեզի պրամադրելը այսօր և մեզի հետ լինելը շատ կարևոր և հիշարակելի օր մըն է մեզի, որուն համար մեր խորին երախտագիտութիւնը կը յայտնինք

5 «Էջմիածին», 1959, հունիս, էջ 14-16:

ու շնորհակալությունը, որով կարելի դարձուցիք այս բացառիկ այցելությունը...: Ձերդ Գերապարվության կը մաղթենք կապարեալ յաջողություն Ձեր այս բացառիկ ճամբորդության, որը պարմական նշանակություն ունի եւ կարեւոր է կրօնական փեսակներէն Անգլիական եկեղեցիի եւ համայն քրիստոնէական եկեղեցիներու համար: Պարիվն ունինք ըլլալու Ձերդ Սրբազնության եղբայրն ի Քրիստոս: Բարի եկաք Աստուծո այս Սուրբ փունը»⁶: Նանդիպման ավարտին սրբազան հայրը Քննթրքերիի արքեպիսկոպոսին է հանձնում ոսկե մի խաչ՝ ի հիշարակ այցելության:

1962 թ Ազգային-եկեղեցական ժողովի հոկտեմբերի 18-ի նիստում Ս. Ասողիկ սրբազանն ընտրվում է Գերագույն Նոգետը Խորհրդի անդամ եւ մինչեւ 1965 թ. ապրիլ 9-ի նիստը մնում Խորհրդի կազմի մեջ: Նույն թվականից Վեհափառ Նայրապետի հրամանով Ս. Ասողիկ եպիսկոպոսը սկսում է դասավանդել Գետոգյան հոգետը Ճեմարանում:

1966 թ. մայիս 10-ին Իրաքի Թեմական Խորհրդի դիմումին ընդառաջ Նայրապետական կոնդակով Ս. Ասողիկ եպիսկոպոս Ղազարյանը նշանակվում է Խրաքահայ թեմի առաջնորդ: 1974 թ. սրբազանը պապական նվիրակ Ժան Ռյուպի նախագահությամբ մասնակցում է Էկումենիկ աղոթքի. մայրենի լեզվով հնչած աղոթքը Քրիստոսի ընդհանրական եկեղեցու միության, աշխարհի խաղաղության համար էր:

Ծավալուն եւ բուռն եկեղեցական գործունեության համար Վեհափառ Նայրապետը 1975 թ. հոկտեմբերի 12-ի թիվ 815 կոնդակով Ս. Ասողիկ սրբազանին շնորհում է արքայության պարիվ. «Դուք, սիրելի՛ Սրբազան, Ձեր անբասիր հոգեւորականի վաստակով, Ձեր հեզահամբոյր բնաւորութեամբ եւ ժողովրդասէր ոգիով, վստահ ենք, թէ Ձեր ուսերուն վրայ դրուած լուծը պիտի կրէք բարձր կոչման գիտակցութեամբ, իրաւ նուիրումով եւ բարի ու առաքարդիւնքներով...»⁷: Բայց Նայ Եկեղեցին իր կամարների ներքո որպէս արքեպիսկոպոս սրբազանի ոգու եւ աշխատանքի ուժը շարքի ժամանակ զգաց:

Վազգեն Վեհափառն իր մարերիմ միաբաններին հուզմունքով է պարմել Ս. Ասողիկ սրբազանի վերադարձը Բաղդադից դեպի հայրենի հող եւ Մայր Աթոռ Սուրբ Էջմիածին: Արդեն վարառողջ՝ սրբազան հայրը խնդրում է իրեն փեղափոխել Նայաստան, որպէսզի հայրենիքի կարծր սրտում չմահանա: Ինքնաթիռում իրեն ողեկցող բժշկին խնդրում է, որ երբ երեւա Արարար լեռը, իրեն օգնեն, որ նստի եւ փեսնի այն: Զրույցի պահին երեւի բժիշկը մոռանում է հիշեցնել, որ արդեն հայրենի հողում են եւ պէտք է փեսնի Արարարը...Բայց սրբազանը կարծես զգում է, որ մոտ է Արարարին եւ խնդրում է իրեն բարձրացնել պարտահանի մոտ: «Ես այդ պահին հասկացա, որ այլեւս առողջ եմ եւ կարող եմ շարունակել ծառայությունս...», - Վեհափառին իր ապրումներն է պարմել սրբազանը:

Սակայն 1978 թ. մարտի 7-ին երկարատեւ հիվանդությունից հետո մահացավ Ս. Ասողիկ արքեպիսկոպոս Ղազարյանը: Նրան առավուրյան էին Բաղդադից բերել Նայաստան, որ կյանքի վերջին օրերն անցկացնի Սուրբ Էջմիածնում, բայց արդեն ուշ էր. հիվանդությունն իր գործն արել էր: Սրբազանի վերջին օծումը կատարվում է Սուրբ Գայանէ վանքում ձեռամբ Մայր Տաճարի լուսարարապետ Ս. Նուսիկ եպիսկոպոս Սանթրոյանի, աճյունն ամփոփվում է Սուրբ Գայանէի միաբանական գերեզմանարանը:

6 «Էջմիածին», 1959, հունիս, էջ 60:

7 «Էջմիածին», 1975, հոկտեմբեր, էջ 3:

Լուսահոգի Տ. Ասողիկ սրբազանի արխիվը՝ նամականին, Վեհափառ Տայրապետի գրագրությունը Տայ Եկեղեցու միաբանների և հայ հավաքացյալների հետ, ինչպես նաև նրա անձնական լուսանկարները պահվում են Մայր Աթոռի արխիվում: Վստահաբար, երանաշնորհ Սրբազանի գործունեության վերաբերյալ վավերագրեր և արխիվային նյութեր պահպանված կլինեն նաև Երուսաղեմի հայոց պապրիարքարանում և Ծայրագույն և Տեռավոր Արևելքի հայոց եկեղեցիներում:

Տայ Եկեղեցու անձնվեր սպասավորի ծննդյան 100-րդ տարեդարձի առիթով թող այս վոթրիկ անդրադարձը որպես խոսնկ և օրհնություն լինի նրա հիշատակին: